



09742

芝園定集卷之十

五言律體目錄

潘杲稿

次韻留別洪都藩臬諸公

宿華嚴山館次韻二首 德安道中二首

豐城夜泊 白鹿洞六首

宿南渡 日嶺

湖山寺 龍隱潭

再至德州次壁間韻 至日行部至高唐二首

長清夜坐

春日同後岡山行別後有懷 簡屠方齋在告

夏日答午坡見期

冬晚卧病答陳後岡二首

劍溪舟行酬後岡 邵武道中

歲暮山行四首 越江放舟追鳳泉不及

茶洋曉行 玄妙觀僧諸司集二首

七夕遊白雲寺二首 初冬二首

登海天寺樓 劍池

西園 烏石山

九仙山 過湖頭渡

仙姑巖 遊鼓山二首

五 大王峯吹中溪韻 一線天

渡錢塘 初夏



自清泉至衛源舟中作五首

都城春寓

陸發喜晴

道中見新月

南廓卽事

渡黃河

裕州館中作

經子產墓

行次南陽

南徐喜逢屠竹墟使君二首

初至楚藩

寄甬川少宰二首

桃源道中

新店道中

辰陽道中

次懷化驛

貴陽道中卽事三首

過盤江

入滇賦所懷四首

出郭次韓石溪

芝園文集卷十目錄

戊戌除夕三首

巳亥元日

望泰山不至四首

出湯金門汎湖至六橋

王泉寺

瑪瑙山居

昭慶寺

大佛寺

寶叔塔

岳武穆祠

紫雲洞

北高峯

韜光庵

靈隱寺

飛來峯

天竺寺

藕華居

宗鏡閣

居然亭

虎跑寺

南高峯

烟霞洞

石屋洞

龍井

雲居庵

壽春庵

聖果寺

內教場

遊育王寺二首

極目亭

遊天童寺二首

泛東湖二首

大慈寺

霞嶼寺

月波寺

遊金峨寺次定齋韻二首

遊天王寺

芝園定集卷十目錄

遊天王寺

貝如寺

大教寺

遊天童寺二首

遊育王寺二首

聖果寺

雲居庵

石屋洞

遊金峨寺次定齋韻二首

霞嶼寺

泛東湖二首

極目亭

內教場

壽春庵

龍井

芝園定集卷之十

五言律體

藩臬稿

次韻留別洪都藩臬諸公

少年聞道義白首以為期豈是曾參謗應慚鮑叔知梅花
江路永瑤草故園思最恨同棲羽翻飛各有差

宿華嚴山館次韻二首

石壁開幽徑征車逗短亭霞飛平野赤雲入亂峰青鐘鼓
春山寺梅花驛路庭相看有雙鶴長睡夜初醒

草綠春程好花開石鏡明溪流交戶白嵐翠入簾生慳有
烟霞勝空懷達士名虛簷星斗近明月最關情

德安道中二首

芝園定集卷十

陰城懸宿雨曉樹積炊烟鳥語時時變山行處處便亂藤
春匝路新水夜平田野麥漸漸秀人民勝昨年
密霧屯長坂輕輿驟曉瀆旌旗青作隊鷗鷺白成群峭壁
連雲積清流觸石分前村有山館花發正紛紛

豐城夜泊

白日秋逾促黃花晚正齊高城迴斗極層漢結虹霓帆落
薰蘼渚潮平楊柳堤劍江今夜月照影不成棲

白鹿洞六首

山迴盤石谷徑轉豁雲門靜榻飛花細靈芝浴露繁宮牆
今見聖流水舊通源六籍虛塵壁青衿此共論

右洞院

平臺開絕壁西望五峯高
暝樹棲山燕春苔繡石臯
魚遊吹淺浪龍卧起驚濤
莫學任公子垂綸釣巨鼇

右釣臺亭

浮橋通翠巘踈牖夾青松
底柱危還峙迴流曲自宗
日穿羅漢嶺雲出丈人峯
學士經行地空餘鹿豕踪

右獨對亭

諸亭已愜意更有最高亭
密樹斜圍屋繁花間作屏
巖深朝礙日簷靜夜垂星
騎鹿何年容飡霞養性靈

右高美亭

雲壑幽姿結層霄石磴懸
匡廬紅掛日彭蠡綠浮烟
愜有絃歌地深懷禮樂傳
大觀誰共解寂寞愧先賢

芝園集卷十

二

右大觀亭

薄暮上高丘迢迢望九州
江含千嶂碧壑映五雲流
紫蓋生烟霧青蘿掛斗牛
因懷高士跡風雅至今留

右六合亭

宿南渡

路出青山峽雲移碧水槎
新蒲沒洲渚斜日照村家
林暝鳥翻樹潮來月滿沙
綠知丘壑內偏自有烟霞

日嶺

仄徑緣梯入孤峯偪漢撐
盤迴千嶂動縹渺一雲生
閣倚藤蘿暗泉流海日明
山花頻送酒酪酌覺身輕

湖山寺

喜有湖山勝真同靜者居入門圍綠竹臨水數遊魚欄
靡蕪草風翻貝葉書清虛那復爾欲發更踟躕

龍隱潭

磴險愁窺壑巖開始見天衣裳牽宿霧石罅瀉鳴泉四壁
松蘿古孤峰日月偏雲雷時不歇知有白龍眠

再至德州次壁間韻

搖落三秋日馳驅兩度關星河滄海闊砧杵夜堂寒動業
流年逝親知見面難青山麋鹿伴夢寐獨相干

至日行部至高唐

劍旆天涯客平原落日曛葭灰寒應律燈火夜連雲樹抱
虬龍影城迴斗柄文樓遲孤館靜霜月白紛紛

芝園定集卷十

三

長清夜坐

豈有匡時策栖栖數問津未諧丹壑夢空戀碧山春烟霧
深迷樹星河遠趁人卜居那可賦燈火獨相親

春日同後岡山行別後有懷

簿領暫云輟風流良在茲因隨高士履得副春山期竹樹
看無盡烟霞探屐奇那堪賞心處歸路復參差

夏日答午坡見期

湖海誰同調丹砂祗自尋松雲朝結綺竹霧晝屯陰病肺
長辭酒清心獨賴岑多君數相慰空作短長吟

簡屠方齋在告

豈是文園病經旬不放衙避人看綠草閉戶養丹砂白日

長懷闕殊方未代瓜夜深還不寐明月映窓紗

冬晚卧病答陳後岡二首

澤國寒雲積空山落木多幽懷忽不愜芳歲屢于過出處
應憐我交游信匪他居然見風雅無復羨陰何
澹穆邈仙源端居寂不喧莊周齊物理楊子好玄言誤以
簪纓縛還將藥裹翻滄溟終共去歲晚意彌敦

劍溪舟行酬後岡

言理還鄉棹偏聽鳴鳥繁白花飛斷浦青草暗平原心與
雲俱逝歌從水共喧清宵何所夢把酒對君言

邵武道中

明發衝寒露征旄載曉星水穿雲竇白天掩石門青鳥雀

芝園定集卷十

四

爭陽谷松欒間短亭所嗟筋力薄奔走未遑寧

歲暮山行四首

磴險懸輿度山空伐木聞芙蓉寒抱日石壑亂蒸雲袖有
丹砂訣行看麋鹿群瑤花頻采掇日暮佇思君

歲晚還行役空山聚客星梅花千澗白桂樹一冬青水靜
燈偏亂雲深戶不高清宵無別夢趺坐誦黃庭

駕壑虹橋迥盤空鳥道賒幽禽驚避節春草細迎車澗暖
紅流玉林深碧透霞野人忘禮貌長跪進胡麻

暝宿投燈火晨興拂薜蘿天圍青野樹風織錦溪波鴻鴈
寒仍少蘭蓀雨更多應憐白雪調不奈碧山何

越江放舟追鳳泉不及

如何青雀舫不共白雲行
蘭藻期共擷風烟悵獨征
轉沙看旆遠邈瀨狎帆輕
何處山椒月深杯對爾傾

茶洋曉行

涼月掛東壁曙霞揚紫光
天河七星轉石瀨九溪長
唧唧草蟲語蒙蒙山葉蒼
沾濡畏多露獨立振衣裳

玄妙觀借諸司集二首

碧巘征驂駐層霄羽士家
筵開青障月旗建赤城霞
玉液寒通砌金蓮夕放華
猶聞白雪曲游衍興偏賒

芝林標勝跡蓮宇抗清潯
共是青雲客來棲白鶴岑
玄巖星漢轉丹洞薜蘿深
仙馭何當即空憐靜者心

七夕遊白雲寺二首

芝園定集卷十

五

脉脉三秋夜盈盈一水長
虹霓承鳳輦杼紜文章樹引
青霞入風吹紺殿涼還將紫
芝曲長以奉瑤觴

地僻雲長據山迴樹轉青珠
林翻白羽石室貯丹經乍喜
栴檀馥時看霧雨零猶言河
漢上環珮正娉婷

初冬二首

草樹殷霜改魚龍入暮愁
佳人裁錦字遊子振貂裘
鎗采寒仍斂銀河淡不流
如何江上月夜夜照吳鉤

何處悲孤角俄然霜露淒
高雲看引鴈落日聽鳴鷄
寒谷曜黃采清溪出素霓
大刀心共折展轉不安棲

登海天寺樓

紺殿邀仙客春樓控楚江
潮通南北浦雲斷去來艘
綺樹

斜交席層巒對倚窓最憐花上蝶照影自成雙

劍池

石徑緣青嶂朱筵敞翠微采蓮牽水荇移舫亂雲衣夜引
鳧鷖入秋生斗柄輝塵纓聊暫濯容與愔忘歸

西園

昔日稱佳麗今來作勝遊碧渠穿樹入紫霧抱階流鳥亂
芙蓉夕歌翻菡萏秋漆園如可托長揖謝王侯

烏石山

漸與塵寰隔俄將霄漢隣虛巖通日月踈牖錯星辰野水
秋涵壁鳴禽晚近人荒苔時拂拭得見舊題真

九仙山

芝園定集卷十

六

高臺凌紫極面面出烟霞寺古松生甲林深石繡花朱闌
懸海蜃玉笛動雲牙自是神仙宅蓬瀛未足誇

過湖頭渡

旭日朱旗動河橋白馬來洩雲奄作雨積霧亂成堆赤岬
千峰又青茆一逕開征行無伴侶鷗鷺日相陪

仙姑巖

石磴盤青漢僊壇倚碧空白雲松桂嶺靈雨蕙蘭叢寶籙
天門迥霓裳鶴馭東塵根元自了玄事倘能窮

遊鼓山二首

瑤臺何處是窈窕赤山阿疊嶂流丹碧長林錯綺羅俯將
雲作席遙睇海層波飛動真無那青天一浩歌

肩輿攀白日衣袂攝青雲瞰海芝峯出中天石鼓聞銀河
晴的空翠濕紛紛媿爾巖棲者長同鸞鶴群

大王峰次中溪韻

不有風流客那知太上峯盤雲出鳥背拂石禮仙容鍾乳
流丹壁巖花開紫茸夷猶終永日昏黑尚捫松

一線天

谷轉靈泉出雲開玉樹連層巒摩白日削壁漏青天路以
誅茅得居因避地偏平生好幽勝到此更情牽

渡錢塘

嚴霜塗野草晨起戒衣裳又是風塵客能令髮髮蒼艦衝
雲片斷風逐浪花長遙看日出處螺魚儼成行

初夏

芝園定集卷十

七

春事夢中盡俄驚朱夏來寸心亦何戀延佇首重回未遂
丹丘隱還憐白髮催故園萱草色一為北堂開

自清泉至衛源舟中作五首

征途貪利涉何事乃栖栖夜泊長依柳晨興但候雞雨餘
山盡碧風動麥初齊共說閭閻樂長歌徧大堤

飛鳥將盡舫只傍片雲行本以風波客因舒覽眺情烟凝
村店近月上野鐘鳴一曲陽春調停琴待友生其二

不是滄浪水臨流試濯纓桑鳩依葉語麥雉引雛行汎渚
枯槎出揚帆迤照明渡頭簫鼓近稚子亦相迎其三

揚舲日南邁湍湧戒舟師淇衛自茲去烟波相與期短檣

交舞燕新柳間鳴鸚落日平原上紛紛車馬馳其四

行邁未云已仍為江漢遊青山隨處好况乃在滄洲木客
衆禽亂川平澹月流停橈來曲浦驚動夜棲鷗其五

都城春寓

長安三月至不見一枝花苑樹遲宮旭城陰繞禁鴉上公
胥補袞中使數傳麻樗散真無用飄零莫怨嗟

陸發喜晴

一夜雨如注朝來晴日暉雲輕不障路霧重稍沾衣幽澗
百禽響青天一鶴飛天涯總行樂早晚惜芳菲

道中見新月

野徑流螢度池塘夜氣清蛾眉新月吐來照遠人行銀漢

芝園定集卷十

光猶冷蟾蜍魄未盈不須三五夜鑿影已分明

南鄜即事

山川杳不極驅馬入鄜中鳥語還無異鄉音稍不同路槐
青宿雨野日白高峯桑棗迷行跡微看一徑通

渡黃河

黃河迴九曲適郢乍經過積雨初添漲無風亦自波人行
沙岸小樹近夕陽多為愛滄浪曲因之鼓柁歌

裕州館中作

日落鳥飛急紛紛投遠林應同行邁者山館夜來尋松月
澹相照草蟲時一吟開書對明燭因見草玄心

經子產墓

寂寞青山路猶聞遺愛傳荒碑微辨字宿草不知年斜照
移林木歸禽破暝烟卽今滄海上幾度變桑田

行次南陽

入郭誰相迓臨風獨振衣應知世人意不為姓名微野水
一螢白青林片雨飛荒村鷺客至已自掩柴扉

南徐喜逢屠竹墟使君二首

歲暮遠為客悲風日夜吹但思逢故友猶恐失前期忽報
旌旄至相將笑語宜寒更對明燭不醉欲何為
客愁不可道有懷君倘知向人羞飲啄多病強驅馳宿草
寒俱白陰雲凍不移空憐匣中劍步步獨相隨其二

初至楚藩

芝園定集卷十

九

乍得返初服青山結草廬又辭東海釣來食武昌魚座引
群峰入城含碧水虛山川自為美政理愧今初

寄甬川少宰二首

故國經年別風塵兩地秋長因羽毛至轉使夢魂愁野火
燒殘臘水霜慘敝裘壯懷那復爾談咲看吳鉤
正喜雲龍會尤憐海甸春振衣朝日月納履近星辰古已
思舟楫人今仰鳳麟容顏頽自愛莫使二毛新

桃源道中

山雲長作雨白日亂峰深草長泥猶滑風生鳥自吟長懷
垂釣侶却減棄繻心萬里桃源路何因此日臨

新店道中

撫劍忽不樂長歌行路難無能空結駟有地可滋蘭斜照
偏移樹青山一解鞍西南星漢近不似故鄉看

辰陽道中

初日映扶桑驅車上壟長雲中行劍戟谷口散牛羊桂樹
誰相贈風塵祇自傷羊腸隨處是嘿嘿媿王陽

次懷化驛

石徑千峯轉溪流一鏡明日斜人影亂雲逐馬蹄行祇畏
簡書促還憐枕簟清山房下塵榻得見晚霞頰

貴陽道中卽事三首

溪獠盤幽箐刀耕徧大堤亂山團作戍細草踏成蹊鶴渚
晴猶霧虹橋近可梯若為愁不寐徹夜有猿啼

芝園定集卷十

毒熱正無賴天風忽下來迴溪雲葉墮斷嶺石門開谷應
孫登嘯秋生宋玉哀相將雙白鶴倘可到蓬萊

何事栖栖者長驅度鬼方伐檀空有賦陟岵望偏長沙吐
溪流白城含樹色蒼清尊誰與共秋月正生光

過盤江

微雨灑長道征旗度曉風瘴來千樹黑溪入五雲通絕壁
虹霓走澄潭蜥蜴宮當年聞戰伐流血滿江中

入滇賦所懷四首

天邊乘傳客歷險到殊芳草長知烽息民流屬歲荒岩花
童澗密木葉墮衣裳何事秋風起愁看白髮長

山路日多雨我行猶未休碧溪雲不定青草瘴仍浮客久

旌旄落天空鶴鶴秋卜居何以賦長嘯擊吳鉤
寒燠經時變浮踪不自由迢迢望鄉邑歷歷見林丘紫澗
屋頭出白雲巖際流蒼言霞卧者即鹿諒非謀
雲起千峯失猿鳴清晝陰褰帷從霧入度龍病泥深石出
泉流戰橋低野竹侵桑孤自有事偏動故鄉吟

出郭次韓石溪

驅車出西郭碧海望無涯澗僻晴多草林深凍有花陰雲
舒敗屋飛鳥亂平沙况是悲秋客愁聞日暮笳

戊戌除夕三首

信美非吾土悵然生獨悲山城一騁望雲物動遐思改火
知時變羈栖屬數奇還將一杯酒要與故人持

芝園定集卷十

十一

對酒忽長嘯客愁難為裁年華夢裡逝春色暗中來河柳
青俱吐山雲濕不開空堂有明燭永夜獨徘徊
歲運若鱗次愁將明鏡看依然異鄉客不似舊時顏宦拙
從人誚陸沉且自寬懷中有書記休得上長安

己亥元日

髫年知學道四十尚無成跡以支離病名因傲世輕青春
奄入望白髮已初生倘共鹿門隱荷鋤還力耕

望泰山不至四首

驅馬長清道遙瞻泰岱巔封碑存漢祀石碣表秦年貝闕
鮮霞麗瑤臺珠樹駢招邀未能去獨賦遠遊篇

丹丘何處是窈窕入雲高玉帛來殊俗金壇時百靈星河

宵歷歷烟霧晝冥冥早晚飡玄液道遙蛻爾形
自喜山城僻還憐蓬島遙青厓盤鬼谷赤嶂起神霄洞裏
金光秀雲中絳節朝飛騰誰與共天路坐吹簫
天門通羽蓋日觀啓金宮玉檢千秋秘珍符異代崇日月
垂青壁烟霞盪碧空遊人迷處所靈異未能窮

出湧金門汎湖至六橋

出郭瞰初爽移舟浪始平柳搏山霧濕鏡轉岸花明羅綺
爭橋渡壺觴藉草傾相逢霄漢侶得遂冶遊情

玉泉寺

紺宇瀦澄碧青雲覆石渠穿巖驚宿鳥撥藻數遊魚掃榻
霞扉敞藏經石室虛山僧知愛客碧草不教除

芝園定集卷十

十三

瑪瑙山居

闢戶通靈竇披林瞰夕波路移斜照小峯擁碧雲多徙屨
循芳蘚褰裳礙綠蘿不因窮勝討那得伴陰何

昭慶寺

紺殿倚城隅諸方此受符彩霞騰秘閣赤日射澄湖寺古
栴檀馥林深燕雀娛群峯堪攬結飛動欲誰俱

大佛寺

碧水映招提相過碧草齊殿頭巢鸛鶴松頂掛虹霓竹密
難窺戶花開自作蹊高人_{山岳}能習靜為借白雲棲

寶叔塔

何年開化國天半削芙蓉水抱金銀闕山連日月峯蘭花

嬌映玉竹葉淨生風不有幽棲者誰憐達士踪

岳武穆祠

百六蓮也遭中原胡馬旋龍城烽火暗虎符獨鏤捐室木
皆南向陰雲直北連至今瞻廟貌血淚洒幽燕

紫雲洞

木末關長閉鐘鳴路始通側窺丹嶂入兀坐紫雲豐石屋
開三峙瓊枝秀幾叢六根那得解早晚躡仙宮

北高峯

複嶺盤青漢危峯峙碧空頽霞標海樹白日走江虹桃片
千巖落松陰萬壑重紫微真可到脫屣會相從

韜光庵

芝園定集卷十

三

僻塢人稀到珠林寂不譁翠盤龍鳳竹香洩蕙蘭葩碧水
通雲竇陰崖吐石華春遊應自好聊爾演三車

靈隱寺

迢遞沿芳澗青山春可憐巖阿陰作霧棟宇暖生烟鳥度
珠林樹蓮開玉井泉山僧常避客何處得安禪

飛來峯

疊石圍青壁澄湖映赤城峰迴雲盡入洞轉日初明窈窕
丹丘秘道遙玉女行山中有真隱長坐說無生

天竺寺

真府群靈聚高臺大帝居朱旛充棟宇寶樹列階除洞長
金光草函封王檢書何人吹鐵笛縹緲紫霞裾

藕華居

淨土依深麓香風扇樂闌樹迷山徑斷雲墮石房寒玉沼
環門碧林花綴日丹黃精隨處得來共遠公食

宗鏡閣

梵閣倚天開飛薨踣玉臺星浮銀漢轉日自海門來過客
常聽法高僧數渡杯天台何必問即此是蓬萊

居然亭

孤亭懸絕磴飛巘駐遊車石髓春流乳蓮花晚映裾雲歸
青嶂杪雨灑碧林在自得丘中樂道遠興有餘

虎跑寺

瑤臺真迥絕獨自占烟霞閣暝前峯雨泉流曲澗花珠林

芝園文集卷十

十四

曾伏虎法井自騰蛇何處堪投褐青門已種瓜

南高峯

密竹通幽徑層巒疊屏江翻千嶂白雲出萬峯青度嶺
迷花塢穿林憇石亭禪關終日閉不解問玄經

烟霞洞

自得烟霞路長隨麋鹿群珠泉寒映雪石榻細蒸雲寶籙
千秋秘靈巖五色文洞中蒼蘚合寂寞對殘曛

石屋洞

已訝祇園畫猶憐洞府奇玲瓏飛霧閣截翼撫霞祠法象
層層別青蓮朵朵垂丹梯何處轉芳草使人迷

龍井

絳闕緋桃麗靈扁紫霧深神雲標碣石密樹引潮音往牒
傳金簡輕輿控玉岑遨遊非避世空有武陵心

雲居庵

時石峯方伯張燕

蘭若藏雲腹行行石徑長開窓邀樹色列席鏡湖光地迥
星河別山深芝木芳使君能吏隱留客醉霞觴

壽春庵

眺賞真無厭山房復暝投踈星攢岫出明月映階流亂竹
苞青籜新松長翠虬不禁清夜夢展轉入瀛洲

聖果寺

盤辟青巖畔逍遙碧漢中對門江浴日入閣樹交空洗藥
因靈澗飡霞傍法宮山中雙白鶴與爾得相從

芝園定集卷一

十五

內教場

在聖果寺山顛勝歷諸峯下有
九宮八卦之田云宋高親藉也

梵宮分福地帝藉按圖經江霧吞城白湖雲壓樹青藤蘿
齊蓋屋石壁對為扃何處聞孤嘯清風生翠屏

遊育王寺二首

本是烟霞客青山夙有緣松筠隨處好猿鶴與人便拂袖
雲中語聽泉石上眠逍遙堪避世色相為誰傳

蘭若依山腹朝霞起樹顛但從樵徑引直到斗牛邊瀑布
留青壁藤蘿掛紫烟相將憑玉几洗藥問靈泉

極目亭

曲磴緣青草孤亭占碧空望窮三島外身在九霄中霞起
群峯亂波翻夕照紅翩然振袂袂真欲駕長風

遊天童寺二首

徑轉諸天近，淵深衆壑歸。山峯長礙日，松霧細沾衣。展席
依青草，題詩對落暉。却憐雙白鹿，時自款岩扉。
石壁凌雲出，祇林傍日開。入門聞梵語，說法有瑤臺。樓倚
千峯仄，天空獨鶴來。高僧知愛客，頻進紫霞杯。

泛東湖二首

春遊不知遠，到處即蓬萊。谷引仙霞入，舟隨返照來。轉沙
窺碧漢，度嶺踏蒼苔。明日歸城市，應疑泛斗迴。
瀛洲何處是，春盡一乘槎。石壁飛青雨，天風吹落花。地偏
長隱鶴，水靜自生霞。不學任公釣，東陵且種瓜。

大慈寺

芝園文集卷十

十六

丞相祠猶在，溪橋芳草深。碧池涵日月，斷碣倚山岑。架石
歌成屋穿雲，宵作林黃精。隨處好早晚，合抽箸。

霞嶼寺

烟霞探不極，猶上望湖亭。孤嶼懸明鏡，羣峰轉畫屏。舫舟
浮月白，松檜匝雲青。盡日山中醉，人言是謫星。

月波寺

何處探仙窟，青溪有化城。雲從山闕吐，月自鏡中明。倦與
鷗同卧，閒隨鹿共行。相看唯惠遠，長坐說無生。

遊金峨寺次定齋韻二首

結伴作春遊，郊原已麥秋。峯巒經處好，烟火望中悠。雨洗
高低樹，禽喧上下樓。得逢開士咲，即是虎溪頭。

何年成浩劫名勝志神州門啓雲初散僧閒夢亦幽青山
開又合碧澗斷仍流石室如相借常將一榻留

遊天王寺

廢寺誰重建峯巒四作圍入門青草徧遠屋白雲飛久坐
頻聞鳥初暄數換衣親朋同對酒不醉且無歸

芝園定集卷之十終

芝園定集卷十

七



芝園定集卷之十一

五言律體

歸田稿

寶雲寺賞牡丹二首

何處春偏好仙花不染埃
祇因憐國色長迎風轉嬌
枝帶雨開相看真不厭
臨去更名花誰所種招客暮
春時對席嬌賞心至莫遣
酒行遲明發知何

重遊天王寺次舊韻二首

門徑還如舊新
頻移榻
因尋

蕪林

寇

共有憂時念

須前箸論交憶敞裘
醉餘還

林居

入林惟欲密海上日垂綸
自是

駒隙過白髮鏡中新聊共
忘機鳥道

范東明約遊城南僧寺即事二首

同是懷春客招邀選勝辰
烟霞鏡裏見梧全迷路鶯啼
不避人扣關尋惠遠揮麈
得相親

芝苑開芳宴清幽類浣花
松高多刺日竹密盡籠霞
地以

臨流勝人因拾翠譚不須尋洞壑已占白雲家
金我寺歸途次雨嘯韻

行行踏芳草歸路不知長度領雲根斷臨風薜荔香懸厓
泉作練古寺竹為墻仙跡今何在桃源是此鄉

中秋後八日集陸明湖精舍

天涯秋欲暮海國雁來賓水近星浮樹庭虛月媚人風烟
悲自髮歲月憶流塵莫惜追歡後同心即是鄰

秋日村居二首

已占江村勝還憐火
入戶蟋蟀近鳴床未了

雲山興生

碎蕊霞觴

莫訝文園

九上見青山漸喜

能持未

馬戲鞭

訊

豈是文園病兼白
一几席風雨長蘭蓀已負
東山屐空餘北海尊獨憐枝上鳥偏自欵朝昏

夢中山行

鳴鶯出深谷湛露濯芳叢偶爾探泉石悠然憇澗松青山
容舊隱白首歎飛蓬瀛散今茲得瀛洲倘可通

雨嘯燕集和竹墟四首

何處得芳鄰澄湖碧樹新江雲晴結綺庭草暗邀春簷角
三星粲燈前兩鬢銀醉來共歌舞坐待月沉淪

懷抱慘不樂兼逢歲杪時清尊聊共遣幽意有誰知木落

巢鳥語天寒玉漏遲未諗金谷勝預有竹林期
今夕是何夕相誇倒酒卮梅花兼月白珠斗入簾垂已自
悲搖落那堪憶別離還將瓊玉佩持贈記相思

為歡何太劇只尺會常稀對酒復不醉披星空自歸椒盤
寒鬪玉錦障爛成圍莫問更籌促酣歌興欲飛

戊午元日三首

青陽回玉律瞬息換年華鳥語出高樹溪光間紫霞天涯
芳草夢谷口白雲家但買登山屐何須汎斗槎

山中更甲子海上卜星躔漫道新添筭翻悲漸減年風舒

彭

北門山泉石應如舊朝來頃可憐

何

專眼更水開初沉藻柳綠漸栖鶯白髮

耽

才教呼朋對尊酒一為解愁城

東郊迴綵仗若木映華林冰澗初流玉堤揚暗吐金千門
徵瑞色百鳥媚新音芳意自不禁臨風調素琴

心遠堂雨集即席限韻二首

塵榻何年下仙朋此日留香山元有約陶令本無愁雨灑
竹林夜風生柳岸秋芳樽對知已勝作十洲遊

雨暗山城柝雲寒草閣宵歸禽事舊葉密竹秀新標未倒
嵇康酒空懷子晉簫追歡俱只尺莫問剡溪遙

它泉新居燕集即席口占二首

隔歲成期約芳春披雨來層樓排漢出曲徑抱湖開柏葉

消華燭梅花點綠苔一塵膏不到渾是坐瑤臺
天邊辭綬冕為賜鑑湖歸地僻鳥窺戶春深草護庭開扉
通碧巘把酒對斜暉莫惜今宵醉鄉園樂事稀

春日舟行四首

出郭便如意春光盡眼中雲衣浮石淡樹杪看霞紅野渡
新添水村禽各佔叢桃源在何許宛轉未能窮

為愛春流好初晴即放船林臯青帶雨江路澹生烟漁唱
因風亂鶯花闌日妍瀛洲應不遠凝望轉堪憐

空聞玄圃勝何似碧溪行積雪千峯白斜陽一鏡平
頻望滌岸轉只明信是滄浪好中流試濯纓

青雲將畫舫步野草風吹綠山峯雨洗新花枝

初絲絲燕語故

亦何意道遙傍水濱

不寐

幽棲亦何慮展轉至更深不作莊生夢空懷姬旦心
風乍入窺戶月徐侵漫憶平生事聊為抱膝吟

早春四首次竹墟韻

玉律葭灰暖天涯淑氣萌歌殘江閣雨目佇竹林鶯
未抽綠江流已沈清茅廬誰過訪坐看碧苔生

一夜東風發寒梅盡放花魚潛初出藻霜冷尚驚鴉
祥雲縈蓬萊若木華懷人不能寐旭日動簾紗

垂釣青溪上徐看白日長客來時對酒燕坐自焚香
漸遠

風塵跡幽棲水竹鄉閒雲亦何意來往故相將

江干雲綺綺林畔露凝葩已共青山老休嗟白髮加松苓
三島近鷗鷺五溪賒便買扁舟去道遥詠紫霞

草堂燕集次竹塋韻二首

草閣鳴疎雨春寒苦未消偶來高士駕翻作合歡宵風動
花流幕雲輕月漏霄白駒聊暫駐莫漫誚鷓鴣
空懷安石興長作孝先眠投轄江城夜開尊春雨前閒庭
看草綠芳意與鶯傳莫奏梅花落狂歌亂綺筵

詠瑞香花二首

仙英含峰玉蜀自領春回梅萼羞先放桃花怯並開輕盈
仗席依瑤砌因之數舉杯

翠翹濃抹黛臙臉醉舒靈灑

自奇絕傾國未須諄

竹塋

誰下陳蕃榻青山有逸民來從芳草引坐與碧溪鄰中酒
無虛日尋花及好春相看莫相咲同是竹林人

雨後見月

積雨連旬朔陰雲撥不開何期今夜會忽見月華來波動
清溪柳光揺白玉臺相逢元盡醉到此興難裁

白雲臺雨集

得青字

避俗棲孤嶼春宵忽聚星湖波翻雨白城樹沒雲青藻詠
瑤華粲高談玉屑零微風動畫帶長傍草玄亭

客至

春事正無賴賓來即命觴未圖千日醉且取百憂忘樹口
雲中色花舒雨後香不因捐級冕那得泳滄浪

春日言志十首

自慙凡羽族誤與鳳鸞儔果以違時好因之返故丘栽花
春匝徑愛月夜登樓百畝足耕稼微生何所求
澄湖千頃碧偶爾卜吾廬抱甕春為圃乘槎夜習漁倦未
還卧石興到即開書祇為耽幽寂能令朋舊踈
白首厭塵事朝朝獨閉關無方能却老有意欲求閒剪徑
時臨水開窓只面山出郊聽鳥語日晏不知還
未入桃源住青山且避諠綠雲溪作練間竹槿為樊無復
長門賦空北海尊馮伏同社者時誦老莊言

獨抱文函

長尋栗田

血芳花隨意發流水與心清簾捲

青峯入樓開碧漢平非關愁緒積白髮自然生

少小學干祿衰遲未策勳因從林卧者日與鷺鷥群醉刻
林中竹閒眠石上雲自甘丘壑老不用止山文

聖代多麟鳳歸來且掛冠非緣同豹隱聊自學龍蟠花塢
移詩屐雲溪把釣竿春風吹寶瑟日暮詠猗蘭

萋萋芳草色只傍竹林生對月償詩債愁動酒兵江雲
籠鳥度野樹貼天平杖屨從吾好何須竹帛名

肉眼多疑壁深宮亦妬妍何如林壑卧猶得姓名全種竹
新遮屋開渠細引泉閉關無一事時理蠹魚編

已分成長往非云學獨醒逢人傾綠醕閉戶誦黃庭寂寞

聊存性支離亦保形空憐投閣者白首著玄經

春遊祖關次壁間韻二首

清溪流夕照竹岫敞山堂共躡烟霞徑來棲薜荔房苔階
留夜夾柳岸繫歸航最愛庭前草無風自起香
水抱青蓮嶂天開碧玉池蘿房僧卧穩花徑客來遲樹密
雲常住春深鳥自知芳尊不盡醉夢寐亦相思

春日陸德初載酒郊遊即席八首

瀛洲初罷郡日作看山行碧水斜通徑芳園曲抱城中
還載酒江上共聽鶯不用愁沾濕雲端已放晴
不有芳尊約那知山館嘉遊魚牽弱荇啼鳥惜殘花四壁
雲輕孤洲艤釣槎隣居雞犬絕何處是仙家

三國定集

二

七

得青山伴烟霞興不窮穿雲窺玉鏡遵渚拈芳叢花並
河陽麗人憐洛社同緣知溪屋下長自領春風

朝朝期出郭春杪始同來草為遊人綠雲因沉艇開林蜂
也復散沙鳥去仍迴即此足幽事何須簫管催

名園依綠水曲館簷青蘿展席陳芳酌揮絃發浩歌輕雲
籠石細積雨孕苔多更愛溪頭鳥時時引隊過

夢遶林泉勝佳辰結伴來舟隨魚藻轉尊傍柳陰開筍出
全侵徑花飛半掩苔此中堪避世莫問子陵臺

山城春已暮出郭興還賒列嶂雨餘碧鳴禽川際譁烹泉
分曲澗坐樹拂流霞及此須行樂吾生信有涯

共有丘中趣頻尋郭外春飛花閒點席語燕故邀人引水

憊溪窄留雲愛竹新韶光非久駐莫厭酒杯頻

次浣溪草堂賞杜鵑花

花發王孫館香霞粲草堂似懷亡國恨空妬美人腸酒畔
偏多態燈前倍有光何當調錦瑟共爾樂無央

又訊梁雨疇

何事耽雲卧經旬尚閉關巡簷窺綠草隱几夢青山貌以
憂時瘦心因避俗閒誰憐仲蔚第苔蘚積成斑

次南禺見新月有懷

衡門緣徑啓花榭倚雲成照水月初出近人蟲自鳴踈鐘
風外落碧漢樹頭平無限傷秋意同誰次第評

新秋詠懷二十四首時在病

關定集卷一

江城秋始至林葉動微紅竹塢漏新月蘭階逗好風有愁
長抱膝無事亦書空樵釣已如意淒涼枕簟中

烽火連雲朔鯨鯢蕩海波憂來已不禁病至復如何曲徑
通烟霧幽齋暮薜蘿已知超俗界猶有燕鶯過

枕水初成屋栽花亦滿林日披玄晏賦時作朝川吟漸熟
耕田技全忘結綬心却因愁病裏自辛早抽簪

吾生知幾許半是病中過往事已漸盡新愁如雨多詩書
充戶牖几席匝藤蘿應共青山老無為白石歌

江臯一葉下萬壑已秋暉鴈影臨汀亂蟬聲抱葉微露寒
團作玉雲冷結成衣眺賞自茲勝嗟予獨掩扉

四時風景好爭得似新秋月出何其皎蟲鳴亦自幽清風

梳翠竹流水瀉鳴球即此足佳勝何須問十洲
悠然返初服把釣傍江濱雨着山山色霞標樹樹文鄰石
喧滿市村笛亂穿雲薜荔新成服人稱處士君
草閣依湖曲秋來得月偏芙蓉寒醮水薜荔晚生烟小艇
聯葭羨鳴禽弄管絃未須論世事閉戶且談玄
金丹雖未就已自住蓬丘水底出河漢樓頭掛斗牛葡萄
珠作箔齒莒錦為洲無復南華夢時為白雪謳
昔愧求名拙今嗤作宦工章蒙綸綍寵得入鷺鷥叢水面
點疎雨林梢閣斷虹陶然成一夢彷彿馭長風
策杖槎川曲依稀似鹿門霜清見山骨雲起失江村猿嘯
千年樹蓬飛百尺根卜居元自定蕭索亦何論

國定集

九

祝融方弛令萬籟動清商處世已多戚感時還自傷蘭名
方委地蟋蟀近鳴床跡比鷓鷯困心同候鴈翔
屏居長自厭擾擾日生塵暮雨千山淨秋光一夕新青林
邀過鳥碧樹憩行人渡口月初上漁歌喧四隣

自有文園病偏憐秋氣清稍因辭俗駕聊得浣塵纓雲瞰
疏簾入星懸四壁明平生多著述不是學虞卿

芳杜秋風冷蘭舟剡水遲美人在何許遠道本難期皓月
臨瓊榭青樓出鳳吹曲中有深怨不奈妬蛾眉

桂樹金飈細瑤臺玉鏡低霞開千嶂綺鶻遠萬年枝剡竹
題詩遍吹簫度曲遲向來忘盃榔杯酒與誰持

清溪涵壁月曲徑媚幽禽時與二三子開尊就竹林已無

青瑣夢獨抱灌園心猶有瓠巴曲年來孰嘗嘗

山中何所事寂寞著丹經門啓千峰入川長一鏡青歸雲
爭舊壑碧漢錯疎星自咲嵇康懶交游絕戶癡

白日棲塵榻寒雲鎖碧闌何如采蓮者曲浦稱滄海
秋屏亂鳥啼夜月寒忽聞歌白紵獨坐起長嘆

玄蟬悲落日湛露濯芳林秋色有何意勞人自不禁屠龍
無巧技哀鳳有孤吟尺素緘題久無由寄所欽

吾土豈不樂栖栖長獨愁風雲連海暗羽檄幾時休
千金重心將一劍酬平生多自許白髮已盈頭

志士不得意休歌行路難青山隨處好幽鳥亦相歡
四壁懸耕耒清溪把釣竿烟霞多變態倚杖獨盤桓

芝園定集卷上

十

樗散為時棄雞棲亦自宜出門一以眺川谷迥爭奇
野水連天白雲屏匝戶垂江離正堪采莫待雪霜摧

何事悲秋至逡巡已暮年未謀調藥鼎先買種芝田
月出半依樹雲生併入川滄浪歌正好一為撫朱絃

戊午初度次雨疇見贈二首

掛冠何太早雅意戀南州日醉陶潛徑時登庾亮樓
逢人空歎鳳展席不驚鷗莫怪耽雲卧年來已倦遊

何處尋真隱道遙海上州鋤雲疏作圃種竹徧交樓
高枕青山月輕舸白水鷗不須食玉液已共赤松遊

玉芝堂小集即席用韻

何事雲帟客來尋湖上家寒光搖玉燭春意動梅花捲幔

星河逼巡簷水竹賒不須愁酩酊白髮與無涯

元日雨

殘鐘初改歲疎雨亂鳴空潤草初添綠滋梅併放紅魚翻
波面藻鶴舞樹頭風莫畏多沾濕三農卜歲豐

次劉後溪別駕遊祖關二首

郡治臨滄海道遙巖壑間為乘青雀舫未扣白雲關覓句
鐫新竹凭闌撫碧山更憐明鏡裏相與照酡顏

披雨出城郭尋僧度野橋壁留高士偈雲引使君舸翠巘
齊舒幔青莎暗茁茁坐憐塵市遠竹樹自蕭蕭

玉芝堂夜集即席限韻

白駒何處至草閣頓生輝過雨芳花徑清溪綠竹扉琴尊

芝園定集卷上

十一

留夜榻星斗亂春衣莫惜燈前醉相將踏月歸

春日舟行次韻二首

春郊芳草色步步引仙舟未試登山興先為載酒遊輕雲
籠過鳥斜日趁歸牛最喜初晴霽群峰翠欲流

旭日懸高樹飛鳧觸畫舟雲從沙際起人在鏡中遊有意
學垂釣無心歌飯牛相看俱放達白首枕清流

謝萑厓招宴病不能赴

海甸逢元夕江城綺燕開華燈珠作鬣醴酒玉為杯舞袖
斜翻月歌鐘併落梅獨憐愁病者展轉未舒懷

心遠堂補賞花燈即席限韻二首

何用招仙客芳尊玉屈卮層樓含霧轉列岫匝雲垂錦樹

齊爭麗庭花亦闕奇詠歌方自此歡賞莫言遲
曲徑繁花粲芳庭翠靄濃共憐佳節逝不厭引杯重鶴舞
珠林樹雲移玉女峯更憐江雨散空外度踈鐘

信包庸之解官三首

韜光居下位何事亦相傾祇為薰香累因之貝錦成柴桑
初結社中散故迹名住傍滄江曲朝朝自濯纓
休嗟不得意壯歲罷朝紳已擅丹青妙還憐賦詠新雲山
原識主猿鶴故依人墮甌寧當顧幽棲足避塵
賦政原稱最移官亦表賢青蠅番見妬脫穎有誰憐耕釣
今方始沉冥且自全何如結駟者憂患日相牽

詠白繡毬花

芝園定集卷上

十一

草閣春無限瓊花爛有輝峻嶺銀作甲綽約玉為衣鶴駕
凌雲出瑤華鬪雪飛美人千萬里誰與贈芳菲

秋日四首次南禺韻

綠樹千章合玄蟬日夜聞林疏不礙月水靜漫書雲野艇
從鷗引漁磯與伴分還因耕藝隙一誦太玄文

曲館青莎徑雕菰白玉匙流雲時瞰戶歸鳥故爭枝芳釀
初盈甕殘書積滿帷地偏稀過客坐起狎痴兒

避俗青山麓匏踪滯一隅祗因捐紱冕長得擅江湖靈露
盈仙掌寒水淨玉壺不須探秘訣已自習虛無

鹿門初學稼百畝以為憂玉笛滄江曲俄驚海國秋螻蛄
喧夕照丹鳥亂河洲欲共乘槎客還為赤壁遊

中元對月四首

空庭頻徙坐為愛挹清輝
露下微沾席螢飛誤入衣
輕雲舒作錦衆緯絡成機
烏鵲緣何事終宵繞樹飛
未見甲秋月先憐此夜光
金波隨地展素練與川長
傍几長懸鏡臨階併是霜
祇應依玉笋慎莫照流黃
秋月尋常見何如此夜明
清光鑿毛髮寒影射蛟鯨
已訝銀河瀉還看雪嶺橫
何當結仙侶萬里沉搖行
此夕當三五中天皓魄圓
入林翻玉樹落沼絢金蓮
沙鳥驚難定庭花暗逞妍
美人在何許不共酒杯傳

喜雨四首

豐隆驅旱魃急溜瀉簷楹
碧海龍戰青林鶴鶴驚涼風

芝園定集卷二

七

梳草樹密霧失江城頗慰東人望
于倉庶可盈

秋雨灑平陸白雲封遠山
入江紛作練點石亂成斑
魚戲爭萍出禽飛認樹還
未須占稼穡先以破愁顏

一雨澄湖上俄然生晚涼
已知便枕簟兼得冷壺觴
遠屋溪添白千峯樹點蒼
會須移小艇相與詠滄浪
誰作商霖雨東郊忽應期
驚雷兼電激飛霧切簾垂
水漲不盈尺花開復幾枝
扶筇湖上眺面面好風吹

秋夜集涵碧堂限韻

過雨山堂夕空庭碧月秋
城邊千澗白樹杪衆星流
四座歡方洽深杯夜更稠
不因風雅客誰共故園遊

寶雲山房燕集即席限韻

古殿荒苔合寒花曲徑春青山湖上列綠樹雨餘新對月
忻茲夕含杯盡故人不因蓬島客誰共嘆言頻

訪沈南明不遇

休文風雅士避客一何深囊有干將劍塵封太古琴短壻
羅蔓覆敗壁薜衣侵此去休題鳳還來坐竹陰

九日陪郡長公郊遊三首

滄江成小隱出郭洗塵心白石斜為徑青松宛作林筵開
隔水曲笛起度城陰已分逃人世丹丘倘可尋

出郭未云遠招提分外幽江干楓葉亂蘭漿浪花浮魚為
聽琴出猿因說法留使君貪吏隱來共野人儔

野外燕遊好盈盈一水長雙鳧排荇出孤鶩與雲翔漏雜

芝園定集卷十

十四

清溪兩歌翻子夜霜菊花何處覓三徑未全荒

承諸公招燕竹墟所口占二首

不到仙家久芳尊此日開烟霞仍舊主丹木間新栽水靜
繁星粲天空獨鶴來醉深忘檢束徒倚破莓苔

終朝不得意懷抱為君舒漫憶停雲賦閒談種樹舒霜風
譁市鼓野火亂江漁莫惜今宵醉流光信隙駒

延慶松月山房李孝甫開燕即席次韻

自得柴桑伴遨遊不計旬長辭金殿寵同醉故園春緇死
行看竹清溪坐釣鱗夜來歌白紵明月照江蘋

吳道南新宅燕集即席限韻

曉起看明鏡俄驚兩鬢華祗因親水竹兼得弄烟霞僻巷

皓月光初滿涼風拂座輕隣砧隨鴈度漁唱入溪清自有
傷秋意非關憶遠情獨憐雙桂樹偏向小山人
獨坐苔階夕冷然欲御風流螢出踈竹碧水浸長空却容
門常掩後霞貌不豐誰云瀛海上還復見愚公

明月引

涼颿蕩繁暑碧海現冰輪入水紛成練舒林併是銀樓鳥
驚不定太宇澹無塵到處成歡賞誰憐戍遠人

中秋草堂待月因泛湖二首

光霽尋常見何如此夜盈妖氛空自妬皓魄本來明玉鏡
雲中吐鸞簫雨後清芳尊酒共倒白髮任教生

不禁明月好乘上鏡湖船麗曲何人度深杯且共傳風津

芝園定集卷十一

十七

喧社鼓霞綺錯星屢已與塵寰隔爭言是謫仙

中秋後望月二首

皎潔幾何時俄看兔魄虧爲嫌行樂者空負賞心期
吞城白踈星出樹逢夜深江上笛偏傍小齋吹

清光今漸減還復照柴門已負桓伊笛空憐北海尊
亂蟲多砌語密竹有雲屯獨坐看箕斗幽懷未可論

訊東田閉關不出

入林何太密閉戶但窮玄流水在屋外青山落枕邊
藥從三島得方自上池傳勅斷人間事逍遙一睡仙

村居承雨疇月漁過訪短賦二首

荒野方雌伏何煩達士來烟霞元共醉鷗鷺不須猜
衣向

風前解尊從樹底開青山能悅客欲發更徘徊
輕舸投別墅面面俯清溪疏闌雲常滿層欄竹與齊盤餐
多野供詩卷有新題不共苔階席那知隱士栖

春仲燕包三川宅三首

偶爾出江郭言尋仙子家潮生長抱闌柳苗始藏鴉布席
依青草開尊對落花春光已強半遊行興無涯

日有尋芳興無如陰霰何江干散晴旭結伴一來過書棟
交青嶂輕舸亂碧波休言促歸騎把酒聽鶯歌

何處追歡賞雕軒白水濱草深時起霧地僻慣藏春綠樹
雲中吐青山雨後新圖書陳四壁知是好竒人

村居四首

芝園定集卷上

六

乍爾捐囂垢來營野外居輕雲時展幙乳燕或窺書細草
軟堪籍清溪近可漁還從田父語卜歲定何如

村居不厭僻短竹匝為籬藜藿非人羨雲山亦自竒幽踪
芳草共野性白鷗知已分經營寡常將耒耜持

探竒不在遠屋外即青山花爲酬春放禽因戀主還彈琴
流水靜隱几白雲閒未覓安期棗清心可駐顏

入林何太密俗駕杳難侵獨有食芝伴能明遯世心樹陰
支石坐沙際扣舷吟要自存吾拙榮名詎所歆

四遊天王寺

爲覓烟霞宅輕舟棹碧溪歸雲將路斷密竹護樓齊鳥語
風前亂花枝雨後低尚平如可學此地足幽棲

悼牡丹

嬌姿何太盛轉盼失芳菲豈畏逢人妬應慚媚世非陽
雲已散金屋夢空歸鷓鴣知何意悲啼怨落暉

飲伍山人所二首

幽館涵湖曲簷前寶鏡開竹深斜引徑石古密文苔沙燕
穿雲出漁舟蕩月來仙居應不異一試紫霞杯
水近青山出林深亂鳥鳴自然堪引眺况乃對仙朋花落
漸封砌雲生直到楹乍疑塵世隔遊衍不勝情

承諸郡公燕飲達曙賦謝二首

急雨散新涼高筵敞畫堂欣乘郡齋暇對此晚山蒼碧漢
文星聚華燈寶劍光停杯一問夜旭日掛扶桑

芝園定集卷上

九

使君能愛客永夜未言疲素月穿簾入踈星匝樹垂鐘鳴
已報曙歌竟復傳危飲德寧辭醉風流况在斯

秋日村居六首

村居何閨寂日枕白雲眠朝市已無夢烟霞夙有緣坐撫
倚蘭操行吟秋水篇自憐返初服白首會眞筌
衡門不却客鎮日鮮經過曲徑封蒼雪薰風織細波雲峯
紛作繪鳥語自成歌但得丘中趣榮名豈在多

羽人不可即卜築儼丹丘室以青蘿陰門懸碧澗流翦林
長卧石戴月始歸牛即此堪棲息無勞賦遠遊

去市不盈舍居然息往還不須營綠野稍喜近青山鶴翁

松雲亂魚吹雪浪閒長持一杯酒聊以潤頰頰

結茅滄海澁日日看雲生豈是隆中卧聊從谷口耕
歌白石病起飯黃精四望窮遠廓臨風一振纓
何處堪投隱桃源一草亭逢人問丹訣閉戶誦黃庭
月出溪兼白雲開樹吐青考槃應自適不愧吐山靈

曉起二首

晨星開曙色風鐸響簷端白髮綈袍敞青山病骨寒畦蔬
雞啄亂園果鳥啣殘竹裏收遺籜新栽處士冠
綠樹間脩竹相看即解頰非予棄朱紱誰復伴青山錦障
烟霄外霞標渤海間林禽亦何意下出復來還

元夕張燈

華燈何自現三五以爲期拂拭初呈彩參差互逞奇舒霞

芝園定集卷十一

十一

寒映月吐霧細交帷幸值昇平日長斟玉屈卮

元夕燕竹墟宅二首

令節今宵是華堂勝燕開星河依榻近歌管拂雲來皓月
梅花陣流霞竹葉杯那知城市裡亦自有蓬萊
宴遊何處好只尺即仙家月窟千年樹星橋五夜花椒蘭
薰綺席冠珮錯頽霞同是懷春客酣歌興未涯

飲竹墟宅奉答四首

江城苦煩熱涼雨過疎林况爾逢同調居然得賞心雲戰
山中壘禽喧樹裏音相看憐白髮把酒一長吟
已愛清溪宅尤憐綠樹林翦苔除石鏡揮塵觸花心同是
香山隱來歌伐木音微風動疎竹徐聽暮蟬吟

何處愜幽尋仙家碧玉林輕雲羃山腹疎雨點江心但覺
袁公飲無煩陶令琴相將明月上沙際草蟲吟
幽館古城陰長林間短林彩霞蒸水曲銀漢落天心鳥啼
高低樹蟬吹斷續音不須歌湛露醉後復賡吟

燕張纓泉別館

曲礪通仙館瑤臺綺燕開蝸書文古壁鳥篆集蒼苔細雨
黃花徑華燈綠玉杯未須催早發還有艷歌來

飲全學士莊居三首

到處耽歡賞何如此地幽青山隨杖屨綠水狎鳧鷗玉露
芙蓉夕金風蕙萼秋持盃還繾綣明月在沙頭

探奇不在遠出郭是仙家地僻雲交戶林深石繡花山光

芝園定集卷二

三

鏡裡轉鳥語席間譁望望蓬瀛路相將一泛槎

結社自今茲爲歡豈後期正逢秋月好涼雨過華池行挾
飛仙至居憐老釋宜會湏分石榻白首共喰芝

竹墟宅賞月

爲愛中秋月來尋溪上家豈無一尊酒羨此滿庭花湛露
濡瑤席流波蕩綺霞佳期那得再酣詠興無涯

和竹墟悶坐之作四首

問君何不樂息駕阻清遊皓月空相待清尊誰爲酬窺簾
星斗逼遠砌草蟲悠長嘯滄江曲乾坤任我休
欲知悽惻意爲報洞庭秋閣暝疎鐘度天寒碧月流鷺鳥
頻繞樹斷鴈競呼儔榮寂元無定琴尊老一丘

盛年先罷宦轉見雪盈頭懷抱已非昔門庭併是秋朱絃
隨漏急丹鳥帶星流且樂耕漁暇休懷漆室憂

愁緒看華月相憐轉覺愁何人貽杜若獨自擊吳鈞雨洗
千山淨霜清萬壑幽空庭正蕭瑟更復嘯鶴鷗

雪中訪李太學即席賦二首

偶爾停冰履夷猶白玉窩瓊英巾綠竹石壁衣青蘿坐有
山陰興吟成郢客歌未須浮太白緩爵不勝多

何事瑤階下萋萋芳草青萬山呈玉壘千里列銀屏雲護
書齋靜風吹鶴夢醒主人休避客閉戶誦黃庭

雪五首

朔氣凝殘臘同雲四野垂剪毛紛作毳切玉不成珪魚伏

芝園定集卷上

上

穿深藻禽歸失故枝江南正宜瑞休詠北風詩

今夕是何夕徘徊興未央凍雲屯屋角飛雪灑河梁石壁
徐添白林篁下變蒼謝庭誰與詠獨坐引瑤觴

曠野初飛霰千山白似塗叢林喧凍雀敗屋集饑鳥逗竹
時疎密穿簾下有無深閨猶怯冷况乃戍邊夫

皎雪飛三徑扃門且避寒自便衮卧穩不道剡舟難入地
成新篆凝脂映曲闌最憐光潔好莫遣即時乾

乍見瓊花落俄驚鶴翅翩日斜爭灼爍風拂舞迴旋着草
光逾潤沾梅色併鮮青樓誇玉女對鏡不成妍

夢遊友人別墅口占

為訪桃源路來依玉樹枝亂雲侵木杪新水織沙堤關圍

初時藥看山每杖藜不須尋海島到此已忘機

訊南禺三首

別子長相思與子長相期尺牘每虛往扁舟無返時為問
新相得何如故所知花間一尊酒誰與罄瑤卮

無情湖上草春到自芳菲白髮今何似故園猶未歸出門
憐杖杜適館念緇衣莫漫耽佳麗蓬莖亦可依

豈是無家者栖栖歌式微時方悅嫫母誰復重南威不惜
黃金盡空憐白壁輝試看湖上鳥晨出暮還歸

初至西莊作五首

解組亦已久初營隱者居買田綠水曲煮石碧山墟樹以
前人種花從新主舒行當謝塵鞅來著伏生書

芝園定集卷上

三

春雨亦何意偏來妬勝遊舟行時觸石水漲不分洲白浪
將鳧出陰雲挾樹流莫言清興減花圃足淹留

種松團作蓋種竹密成林未卜移家計先便獨徃心迴溪
時洩霧新柳始邀禽抱甕從茲適忘機等漢陰

本來營別業因得伴青山舒嘯丹霄上行吟綠樹間竹深
衣襲翠臺古石成斑俗客休相問從今且閉關

一入清溪曲棲遲即是家彩霞交石麗密樹引禽譁栗里
初栽菊東陵學種瓜抽簪不待老總為惜芳華

小齋詠

夷猶不出戶總是可憐春澗石清泉細文階綠蘚新繁花
俱媚主群鳥不驚人未必成仙隱從茲蛻俗塵

再至武陵莊同顧沈二子作五首

祇為貪春色三旬兩度來編花團作障疊石亂成臺綠竹交詩榻青山落酒杯已知塵世隔那復問蓬萊

為憐風雅客同作看山行碧蘚全侵徑繁花不辨名已便能抱甕猶喜得滄苓偃仰從吾好休嗟白髮生

武陵何處是面面列芙蓉桃杏當年種松喬此日逢青天來鸛鶴絕壑舞虬龍莫道無人跡猶聞水上鐘

夜夢青山好晨興棹碧波高低見茅屋遠近簇雲蘿地僻烟霞古林深鳥雀多鍾期今在眼把酒一高歌

結廬青嶂裏宛是白雲家坐有黃精飯香分石鼎茶臨池同刻竹選地自移花遶屋添新水相將理釣槎

芝園定集卷上

苜

牡丹初開適顧南官見過因而命酌

終朝不得意見爾即神怡映日初舒態臨風益逞姿麗應文錦並嬌共彩娥奇况復逢豪士相將倒酒卮

何物足傾城名花次第榮懷春如有待媚主豈無情瑤砌翻霞彩雕闌簇絳英芳華誰復似尊酒故須傾

送顧南官南遊

把酒送夫君奚囊此日分神遊鴈蕩月足躡鼎湖雲未許攀仙駕先便解世紛丹丘如可住吾亦欲為群

東明宅賞月因沉舟二首

又見中秋月光輝分外多入溪紛作練匝地澹生波已暢齋中賞還聽湖上歌清尊對華髮不醉欲如何

沙頭明月好載酒有前期銀漢尊前落雲峯鏡裡奇魚
寒弄影鳥鵲暗驚枝遊泳真無極高歌白紵詞

漂母祠

王孫不自食一飯豈恩私不望生前報寧懷死後祠顏垣
繁蔓草古棟宿陰霓祇是旌高義休論泉下知

送戴仲德還剡源次韻

風雨正無賴開尊違友生白頭憐我拙青眼為誰明不
愁成壘還將酒作兵醉深出門去玉漏屢傳更

聞朱君邦憲計輓以短章二首

黃浦鍾靈泚生來有異聞茂先推博物司馬並雄文未展
圖南翼徒空冀北群交游誰不死獨自苦悲君

芝園文集卷二

廿五

一謝千時策言修太上玄枕中有鴻寶匣內貯龍泉高義
誰能並芳華衆所賢何方掛寶劍一望一潛然

送吳草堂遊梁

之子遠于征江天雨乍晴三春梁苑客萬里越山情弔古
時成賦臨風數振纓夷門貴公子虛左競相迎

送大兒

祇以簡書促其如骨肉分孤槎宵犯斗雙旆曉穿雲製錦
今初試趨庭昔有聞還將三尺劍勉立功勳

寄伊兒

待詔金門下翱翔鸞鳳群嘯歌燕市月夢遶越山雲散秩
非尺位清時好樹勳長將一寸赤出入奉明君

送長文

疾風吹曠野遊越復遊吳夕伴星辰宿朝隨鸛鶴徂
詩願共解談劍術非迂到得歸來日囊中有子虛

題青玉樓

借得青天半來成百尺樓雲霞當枕落銀漢抱簷流卓錫
知何處藏龍只此丘乘槎方八月生恐犯牽牛

贈備僧

曲檻搏蒼雪昌蒲茁紫花齋心長面壁辟穀會食霞覺海
誰能悟慈航路不賒緣知入定處明月照窓紗

送鄭龍岡守永寧

何地不容君移官瘴海清蠻烟將紫旆交草暗行塵叱馭

芝園定集卷十一

廿六

驅車慣屠牛發刃新從茲絃異服莫敢不來賓

訊余君房讀書阿育王山寺

擔簦何所適只自占名山夜灼青藜火朝扃白石關竹深
禪共寂雲冷鶴俱閒多少修玄草從茲取次刪

